

ალესანდრო ბარიკო

ეს ტექსტი მსახიობ ეუფენიო ალეგრისა და რეჟისორ გაბრიელე ვაჩისისთვის დაეწერე. მათ სპექტაკლი დადგეს, რომლის დებიუტიც ამ წლის ივლისში ასტის ფესტივალზე შედგა. არ ვიცი, კმარა თუ არა ეს იმის სათქმელად, რომ თეატრალური ტექსტი დაეწერე: მაგრამ ვეჭვობ კი. ახლა, როცა მას წიგნის სახით ვხედავ, ნამდვილ სცენიურ განსახიერებასა და ხმადაღლა წასაკითხ მითხრობას შორის რაღაც შუალედურს უფრო წაავსებს. არა მგონია, ამ ტიპის ტექსტებისათვის სახელი არსებობდეს. თუმცა, მნიშვნელობა არა აქვს. ჩემთვის ერთი ლამაზი ამბავია, რომლის მოყოლაც ღირდა.
და მსიაძონებს ფიქრი, რომ მას ვინმე წაიკითხავს.

ა. ბ.
სექტემბერი 1994

ბარბარას

ნოვეჩენტო მოთხრობი

ყოველთვის ისე ხდებოდა ხოლმე, რომ ვინმე თავს აიღებდა და... დაინახავდა. ძნელი გასაგებია. მინდა გითხრა... ათასზე მეტნი ვიყავით იმ გემზე. მდიდარი მოგზაურები, ემიგრანტები, უცნაური ადამიანები, და ჩვენ... და მაინც, რომელიმე ერთი იყო ყოველთვის, ერთადერთი, ვინც პირველი დაინახავდა ხოლმე... იქნებ სულ შემთხვევით იდგა იქ, ჭამდა, ან სეირნობდა, უბრალოდ, გემბანზე... ან ისე იდგა, შარვაღს ისწორებდა... წამით აიხედავდა, ზღვას გახედავდა და... დაინახავდა. ადგილს მიეღურსმებოდა, გული აუბაგუნებოდა, და ყოველთვის, გუფიცებით ყოველთვის, ჩუქსკენ, გემისკენ, დანარჩენებისკენ, მოტრიალდებოდა და ვვიროდა (*ჩუმაღ და ნულა*): ამერიკა. მერე ადგილზე ქვაკდებოდა, თითქოს ფოტოზე უნდა აღბეჭდილიყო, იმ ადამიანის გამოძეგვლებით, რომელმაც თავად შექმნა ის, ამერიკა. საღამოობით, სამუშაოს შემდეგ, ან კვირაობით, კალატოზ ცოლისძმას წაიხმარებდა ხოლმე, კარგი კაცი იყო... იქამდე რაღაც ცუდიც კქონდა მასზე გუნებაში, მაგრამ მერე წაიხმარა და... გააკეთა, ამერიკა...

ის, ვინც პირველი ხედავს ამერიკას... ყოველ გემზე ერთა ასეთი. და არ იფიქროთ, შემთხვევით ხდებოდა, არა... არც მხედველობის ამბავია, ბედისწერაა ეგ. ამ ადამიანებს ყოველთვის ამოტვიფრული ჰქონდათ ბედზე ის წამი. ბავშვობაშივე, თვალბში რომ ჩაგეხედა მათთვის, და კარგად დაკვირვებოდი, მაშინვე დაინახავდი მას, ამერიკას, უკვე მზად იყო გამოხასხებლმად, ნერვებსა და სისხლს დაღმა დასაყოლად, რა ვიცი კიდევ, ტვინამდე, და იქ, ენიდან, იმ დაყვირებადვე (*ფირილით*), ამერიკა, უკვე იყო, იმ თვალბში, ბავშვის თვალბში, მთლიანად, ამერიკა.
იქ იყო, და იცდიდა.

ეს დენი ბუდშენ ტ.დ. ლემონ ნოვეჩენტომ მასწავლა, ყველაზე დიდმა პიანისტმა, ვისაც კი ოდესმე დაუკრავს ოკეანეზე. ადამიანების თვალბში ის ჩანს, რასაც ნახავენ, და არა ის, რაც ნახესო. ასე ამბობდა: ის, რასაც ნახავენ...

იმ დედენი მინახავს, ამერიკები... ექვსი წელი იმ გემზე, წელიწადში ხუთი, ექვსი მგზავრობა, ევროპიდან ამერიკისკენ და უკან, სულ ოკეანის მისადგომთან, მიწაზე რომ ჩამოდიოდი, ჩენმაში სწორად ვეღარც აფსამდი. ის კი იდგა სწორად, მაგრამ შენ განაგრძობდი ქანაობას. რადგან გემიდან შეიძლება ჩახვიდე, მაგრამ ოკეანიდან... რომ ავედი, ჩვიდმეტის ვიყავი. და ერთადერთი რამ მაღარდებდა ცხოვრებაში: საყვირზე დაკვრა. ასე რომ, ხმა რომ გაერცეკვლა, პორტში ორთქლის გემის - *Virginian*-ისთვის ხალხს ექებნო, რიგში ჩავდექი. მე და საყვირი. 1927-ის იანვარი. უკვე გვეყავს დამკვრელები, მითხრა ტიპმა კომპანიიდან. ვიცი, ვუთხარი, და დაკვრა დავიწყე. იჯდა და მიყურებდა, ისე რომ კუნთი არ შერხებია. უსიტყვოდ დამელოდა, სანამ დავამთავრებდი. მერე მკითხა:

“რა იყო ეს?”
“არ ვიცი.”

თვალბი გაუბრწყინდა.
“როცა არ იცი რა არის, ჯაზია.”

მერე რაღაც უცნაური რამ გააკეთა პირით. ალბათ დიმილი იყო, ოქროს კბილი ჰქონდა ზუსტად აქ, ცენტრში, თითქოს ვიტრინაში გამოეღო გასაყიდად.

“გიყვებოდა მაგ მუსიკისთვის, იქ.”

იქ ნიშნავდა გემზე. ის დიმილისმაგვარი კი ნიშნავდა, რომ ამიყვანეს.

დღეში სამჯერ, ოთხჯერ უკრავდით. ჯერ მდიდრებისთვის პირველი კლასიდან, მერე მეორე კლასში, შიგადაშიგ იმ უბადრუკ ემიგრანტებთან გადავიდოდით და მათთვის უკრავდით, მაგრამ ფორმის გარეშე, ისე, როგორც გამოგვიდიოდა, ხანდახან ისინიც უკრავდნენ ჩვენთან ერთად. უკრავდით, იმიტომ რომ ოკეანე დიდია, და საშიში, უკრავდით, რომ ხალხს დროის გავლა ვერ ვგრძნობ, და დაიწყებოდა სად იყო, ვინ იყო. უკრავდით, რომ გვეცეკვებინა, რადგან თუ ცეკვავ, არ მოკვდები, და თავს ღმერთად გრძნობ. და რეგთაიმს უკრავდით, იმიტომ რომ ამ მუსიკაზე ღმერთი ცეკვავს, როცა მას ვერაჟინ ხედავს.

რომელზეც ღმერთი ცეკვავდა, ოღონდ თუ ზანგი იყო.

(მსახიობი ვადის სცენიდან. ელერს დიქსი, მხიარული და პრინციპში იდიოტური. მსახიობი ბრუნდება სცენაზე ელვებანტურ. გემის ჯაზმუნის ტანსაცმელში. ამ მომენტიდან ისე იქცევა, თითქოს ჯაზმუნდი ფიზიკურად სცენაზე იყოს.)

ლელიზ ენდ ჯენტლმენ, მაინე დამენ უნდ ჰერენ, სინიორე ე სინიორი... მედამ ე მესიე, კეთილი იყოს თქვენი მობრძანება ამ გემზე, ამ მოტივტივე ქალაქზე, რომელიც ყველაფრით ტიტანიკს ჰგავს, მშვიდად, ისხედით, ეგერ ბატონმა უკვე ხელი წაივლო ერთ ადგილას, მშვენივრად დავინახე, კეთილი იყოს თქვენი მობრძანება ოკეანეზე, მართლა, რას აკეთებთ აქ?, თავს დავდებ, მეფალებმა შემოგიტყის, ან ოცდაათიოდ წლით დაგაგვიანდათ ოქროს საძიებლად, ან გემის ნახვა გინდოდათ და ვეღარ შენიშნეთ, რომ გავიდა, წამით გახვედით სივარტის საყიდლად, ახლა თქვენი ცოლი პოლიციამა და უყვება, კარგი კაცი იყო, ჩვეულებრივზე ჩვეულებრივი, ოცდაათი წლის მანძილზე ერთხელაც არ გეინახებია... მოკლედ, რა ჯანდაბას აკეთებთ აქ, სამას მილზე ნებისმიერი უნაბიჭვრესი სამყაროსაგან და ორი წუთის მანძილზე მორიგი გულისრევისგან? პარლენ მადამ, ვუზმობდი, მენდეთ, ეს გემი ისე მიდის ოკეანეზე, როგორც ბილიარდის ბურთი, ტაკ, კიდევ ათი დღე, ორი საათი და ორმოცდაშვიდი წუთი და პლოპ, ნახვრეტში, New Yoooooosooooork!

(ბენდი პირველ პლანზე)

არა მგონია საჭირო იყოს ავიხსნათ, რომ მრავალი თვალსაზრისით ეს გემი განსაკუთრებულია და პრინციპში, ერთადერთი. კაპიტანი სმიტის, ცნობილი კლასიკური ფილმისა და ბრძენკაცის (უჭველად შემჩნეული გეჟნებათ, რომ სამამშველო ნაგუმი ცხოვრობს) მეთაურობით თქვენთვის მუშაობს პრაქტიკულად ერთადერთი, სრულიად განუმეორებელი პროფესიონალებისაგან შემდგარი პერსონალი: პოლ სინსინკი, მესაჭე, პოლონელი ექს ეპისკოპოსი, მგრძნობიარე, ექსტრასენსი, სამწუხაროდ, ბრმა... ბილ იუნგი, ტელეგრაფისტი, დიდი მოჭადრაკე, ცაცია, ენაბლე... გემის ექიმი, დოქტორ კლაუსერმანშიცეკვებისლოფენტაგი, დაგერნათ, თუ სასწრაფოდ გინდათ დაუძახოთ..., მაგრამ განსაკუთრებით:

მესიე პარდენ, შეფი,

პირდაპირ პარიზიდან წარმომავალი, სადაც, სხვათაშორის, მაშინვე დაბრუნდა, როცა პირადად დარწმუნდა ერთ საინტერესო გარემოებაში, რომ ამ გემს სამზარეულო არ გააჩნია, რაც, ამდღილას, სხვებთან ერთად, მახვილგონიერულად შენიშნა მონსიორ კამეზერმა 12-ე კაიუტიდან, რომელმაც დღეს დაინიჟა, რომ პირსაბანი მაიონეზით სავსე დახვედრია, გასაკვირი ამბავია, პირსაბანებში ძირითადად

ძეხვეულს ვინახავთ ხოლმე, ეს სამზარეულოს არარსებობის გამო, რასაც, სხვათაშორის ამ გემზე ნამდვილი მზარეულის არარსებობას აბრალებენ, როგორც უჭველად გახლდათ მონსიორ პარდენი, სასწრაფოდ უკან გაბრუნებული პარიზში, საიდანაც პირდაპირ გახლდათ წამოსული, იმ იმედით რომ ამ გემზე სამზარეულო დახვდებოდა, რომელიც, ფაქტებს რომ ვუერთგულო, არ გვაქვს გემის დამპროექტებლის, მსოფლიოში ცნობილი, დირსული ინჟინერის - კამილერის ხუმარა გულმავიწყობის წყალობით, რომელსაც გთხოვთ მიუძღვნათ თქვენი მზურვალე აპლოდისმენტებიიიიიი...

(ბენდი პირველ პლანზე)

მერწმუნეთ, ასეთ გემს ვერსად იპოვით, ალბათ, თუ წლობით ეძებთ, მონახავთ კლაუსტროფობ კაპიტანს, ბრმა მესაჭეს, ენაბლე ტელეგრაფისტს, გამოუთქმელსახელიან ექიმს, ყველას ერთ გემზე, რომელსაც სამზარეულო არ გააჩნია, შეიძლება. მაგრამ ის, რაც, შეგიძლიათ დაიფიცოთ, აღარასოდეს შეგხვდებათ, გახლავთ საჯდომქვეშ ათი სანტიმეტრი სავარძელი და ასობით მეტრი წყალი, და ოკეანეში, ყურებში სასწაული, ფეხებში რიტმი და გულში ბგერა, ანუ ერთადერთი, განუმეორებელი, და უსასრულო ATLANTIC JAZZ BAAAAAAAAND !!!!!!!!!!!!!!!!!!!!!

(ბენდი პირველ პლანზე. მსახიობი წარადგენს დამკვერლებს სათითაოდ. თითოეულ სახელს მოკლე სოლო მოყვება)

კლარნეტზე, სემ "სლიფი" ვამინგტონ!
 ბანჯოზე, ოსკარ დელაგუერა!
 საყვირზე, ტიმ ტუნი!
 ტრომბონი, ჯიმ ჯიმ ბრეთ გალუპი!
 გიტარაზე, სამუელ ჰოკინსი!
 და ბოლოს, როიალთან... დენი ბუდმენ ტ.დ. ლემონ ნო-ვეჩეტო.
 უდიდესი.

(მუსიკა უკვე წყდება. მსახიობი ტოვებს კონფერანსის ტონს და საუბრით, იხდის მუსიკოსის ფორმას)

მართლა იყო, ყველაზე დიდი.
 ჩვენ მუსიკას უკრავდით, ის რაღაც სხვა იყო. ის უკრავდა... არ არსებობდა ის რაღაც, სანამ ის დაუკრავდა. okay?, არსად არ იყო. და ის რომ ადგებოდა როიალიდან, ისევ აღარ იყო... აღარ იყო სამუდამოდ... დენი ბუდმენ ტ.დ. ლემონ ნოვეჩეტო. ბოლოს რომ ვნახე, ბომბზე იჯდა. სერიოზულად. ამხელა დინამიტზე ჩამომჯდარიყო. გრძელი ამბავია... ამბობდა: "კაცს საბოლოოდ იქამდე არ გაქვს დარჩეული, სანამ ერთი კარგი ამბავი დაგრჩენია მოსაფოლი, და ადამიანი, ვისაც მოუყვები." მას ჰქონდა... ერთი კარგი ამბავი. თავად იყო თავისი ამბავი. გიჟური, რომ დაფიქრდე, მაგრამ ლამაზი... და იმ დღეს, იმ დინამიტზე ჩამომჯდარმა, მანუქა ის. იმიტომ რომ მისი ყველაზე დიდი მეგობარი ვიყავი, მე... სისულელე ბევრი მიკეთებია, და თავიქვეც რომ დამკიდონ, ჯიბიდან აღარაფერი გამეარდება, საყვირიც კი ვაყვდი, ყველაფერი, მაგრამ... ის ამბავი, არა... ის არ დამიკარგავს, გამჭვირვალე და აუსხსნელი, როგორც იყო მუსიკა, როცა მას ოკეანის გულში აჟღერებდა დენი ბუდმენ ტ.დ. ლემონ ნოვეჩეტოს მაგიური პიანინო.

(მსახიობი კულისებს ეფარება. უკრავს ბენდი, ფინალისთვის. როცა უკანასკნელი აკორდიც ჰრება, მსახიობი სცენაზე ბრუნდება)

ერთმა მეზღვაურმა იპოვა, სახელად დენი ბუდმენმა. ერთ დღით, ბოსტონში, როცა ყველანი ჩასულები იყვნენ გემიდან, მუყაოს ყუთში ნახა. სულ რაღაც ათი დღის იქნებოდა. არც კი ტიროდა, იყო თავისთვის ჩუმად, თვალ-ღია, იმ ყუთში. პირველი კლასის საცეკვაო დარბაზში დაეტოვებინათ. როიალზე. თუმცა პირველი კლასის ახალშობილს არ ჰგავდა. ასეთ რამეებს ემიგრანტები შეგებოდნენ ხოლმე. ჩუმად იმობობდნენ, სადღაც გემბანქვეშ და მერე ბავშვებს ტოვებდნენ. განა სიბოროტით. სილატაკე იყო ის, შავი სილატაკე. ისევე, როგორც ტანსაცმლის ამბავი... გემზე შემოვლევები ადიოდნენ, ერთადერთი, გაცვეთილი ტანსაცმლით, რაც ებადათ, მაგრამ ვინაიდან ამერიკა მინც ამერიკა იყო, ბოლოს ყველანი კარგად ჩაცმულები ჩამოდიოდნენ, კაცებს ჰალსტუხიც კი ეკეთათ ხანდახან, ბავშვები ქათკათა პერანგებით... მოკლედ, იცოდნენ, როგორ ემოქმედათ მეზღვაურობის იმ ოცი დღის მანძილზე, ჭრიდნენ და კერავდნენ, ბოლოს აღარც ფარდა იყო გემზე, აღარც ზეწარი, აღარაფერი: ახალი ტანსაცმელი შეეკერთათ საამერიკოდ. მთელი ოჯახისთვის. ვერც ვერაფერი ეტყვიდა...

ხოდა, ხანდახან ბავშვიც გამოერეოდა ხოლმე, რაც ემიგრანტისთვის კიდევ ერთი მშვიდი პირი და უამრავი ხათაბლავა საიმვირაციო სამსახურში. გემზე ტოვებდნენ. შეიძლება ითქვას, ფარდებისა და ზეწრების სანაცვლოდ. იმ ბავშვის შემთხვევაში ნამდვილად ასე უნდა ყოფილიყო. ალბათ განსაკუთრებით: თუ როიალზე დაეტოვებთ, პირველი კლასის საცეკვაო დარბაზში, იქნებ ვინმე მდიდარმა აიყვანოს და მთელი ცხოვრება ბედნიერი იქნებაო. კარგი გეგმა იყო. და სანახევროდ გაჭრა კიდევ. მდიდარი არ გამხდარა, პაგრამ პიანისტი კი გამოვიდა. ყველაზე კარგი, ვფიცავ, ყველაზე კარგი.

მოკლედ. ძველმა ბუდმენმა იქ იპოვა, კარგად მოქექა, იქნებ ვინაობის შესახებ რაიმე ენახა, მაგრამ ერთადერთი წარწერა ნახა მუყაოს ყუთზე, ლურჯი მელნით დაბეჭდილი. ტ. დ. ლიმონები. რაღაც ნახატისმაგვარიც იყო, ლიმონის გამოსახულება. ისიც ლურჯი. დენი ფილადელფიელი ზანგი იყო, უზარმაზარი, საოცარი შესახედი. ბავშვი ხელში აიტაცა და უთხრა: "Hello Lemon!" და რაღაცამ უფუთქა გულში იმ წამს, რაღაც მამობრივისმაგვარმა გრძნობამ. მთელი ცხოვრება დარწმუნებული იყო მერე, რომ ტ.დ. უსათუოდ ნიშნავდა Thanks Danny. გამდლობა დენი. აბსურდი იყო, მაგრამ მას მართლა სჯეროდა. მისთვის დაეტოვებინათ იქ ის ბავშვი. დარწმუნებული იყო... T.D., Thanks Danny. ერთხელ რაღაც გაზეთი მოუტანეს, რეკლამა იყო შიგ, კაცი იდიოტის სიფათით, latin lover-ივით წვრილულვაშა, გვერდით უშველელად ლიმონი ეხატა, და წარწერა გამცნობდა: ტანო დამატო ლიმონების მეფე, ტანო დამატო, სამეფო ლიმონები, და რაღაც ატესტატი თუ პრემია... ტანო დამატო... ძველ ბუდმენს წარბიც არ შეუხრია. "ვინაა ეს პიდარასტი?" იკითხა. და გამოართვა გაზეთი, რადგან რეკლამის გვერდით დღის მეფეები იყო. კი არ თამაშობდა, ცხენების სახელები მოსწონდა, მეტი არაფერი, გიჟდებოდა, ამბობდა ხოლმე: ერთი ამას მოუსმინე, ამას, გუშინ ირბინა, კლივლენდში, ერთი უსმინე, რა დაურქმევიათ, ეძიე ხიფათი, გესმის? გაგონილა ასეთი? და ეს, აგერ? შეხედე, წინათ გობდა, არ გაგიჟებები?" მოკლედ, მოსწონდა ცხენების სახელები, გიჟდებოდა. ფეხებზე ეკიდა, ვინ მოიგებდა, მხოლოდ სახელები იყო, ასე რომ მოსწონდა.

ბავშვს თავისი სახელი დაარქვა: დენი ბუდმენი. ერთადერთი ამპარტავნება, რაც კი გამოეფლინა ცხოვრებაში. მერე დაამატა ტ. დ. ლემონ, ზუსტად ისევე, როგორც მუყაოს ყუთს ეწერა, ამბობდა, დახვეწილიაო სახელის შუაში ასოები. "ყველა ადვოკატს ასე აქვს." კვერი დაუკრა ბერტი ბამმა, მემანქანემ, რომელსაც თავის დროზე ციხეში ამოეყო თავი ერთი ადვოკატის წყალობით, რომელსაც ჯონ პ. ტ. კ. უანდერი ერქვა. "ადვოკატი რომ გამოვიდეს, მიეკლავ," დაასკვნა ძველმა ბუდმენმა, მაგრამ მერე ორი ინი-

ციალი მაინც დაუტოვა სახელში, და ასე გამოვიდა დენი ბუდმენ ტ.დ. ლემონ. ლამაზი სახელი იყო. ცოტა კიდევ იმსჯელეს, ხმადაბლა იმეორებდნენ სახელს, ძველი დენი და დანარჩენები, ქვევით, სამანქანოში, ჩამქრალი მოტორით, ბოსტონის პორტში გაჩერებულები. "კარგი სახელია", თქვა ბოლოს ძველმა ბუდმენმა, "მაგრამ რაღაც აკლია. ერთი მაგარი ფინალი უნდა." მართალი იყო. ერთი კარგი ბოლო აკლდა. "სამშაბათი დაგამატოთ," უთხრა სემ სტალმა, მიმტანად რომ მუშაობდა. "ხომ სამშაბათს იპოვე, დაარქვი სამშაბათი." დენი ცოტა დაფიქრდა. მერე გაიღიმა. "კარგი იდეაა, სემ. ამ ახალი უნაბიჭვრესი საუკუნის პირველ წელიწადს ვიპოვე, ხომ? ხოდა ნოვეკენტოს* დავარქვევ." "ნოვეკენტო?" "ნოვეკენტო." კი მაგრამ ევ ხომ რიცხვია!" "იყო რიცხვი: ახლა სახელია." დენი ბუდმენ ტ.დ. ლემონ ნოვეკენტო. შესანიშნავია. მაგარია. მაგარი სახელია, დღერთო, მართლა მაგარი სახელია. ასეთი სახელით შორს წავა. მუყაოს ყუთში ჩაიხედეს. დენი ბუდმენ ტ.დ. ლემონ ნოვეკენტომ შეხედა და გაუღიმა: გაშრნენ. ვერავენ წარმოიდგენდა, რომ ასეთ პატარა ბავშვს ამდენი შეეძლო ჩაესვა-

დენი ბუდმენმა კიდევ რვა წელი, ორი თვე და თერთმეტი დღე იმუშავა მეზღვაურად. მერე ერთ დღეს, დელასას, შუაგულ ოკეანეში, გაგვიებული ამწე დაეტყრა ზურგში. სამი დღე კვებოდა. შიგნიდან იყო ჩამსხვრეული, აღარაფერი ეშველებოდა. ნოვეკენტო ბავშვი იყო მაშინ. საწოლთან ჩამოუჯდა დენის და ადგილიდან არ დაძრულა. ძველი გაზეთების მთა ელო გვერდით და, სამი დღის განმავლობაში, საშინელი ტანჯვის ფასად უკითხავდა მომკვდავ ძველ დენის დოღების შედეგებს. ასო-ასო კითხულობდა, როგორც დენიმ ასწავლა, გაზეთის ქალღელზე თითმი-ჭერილი, თვალს არ ამორებდა ნაწერს. ნელა, მაგრამ მაინც კითხულობდა. ასე მოკვდა ძველი დენი ჩიკაგოს მეექვსე გარბენზე, რომელიც სასმელმა წყალმა ორი ქულით მოუგო წყნარს და ხუთით - ლურჯ პუდრას. ვერაფრით იკავებდა სიცოცხლს ამ სახელებზე, სიცოცხლე მოკვდა. ტილოში გაახვიეს და ოკეანეს დაუბრუნეს. ტილოზე კაპიტანმა წითელი საღებავით დააწერა: Thanks Danny.

ასე, უცბად, მეორედ დაიბლდა ნოვეკენტო. რვა წლის იყო და ევროპიდან ამერიკამდე და უკან ორმოცდაათი დღეჯერ ჰქონდა გადასერილი ოკეანე. ოკეანე მისი სახლი იყო. მიწაზე კი ფეხი არასოდეს დაეგა. ნანახი ჰქონდა, პორტებიდან, ცხადია. ჩასვლით არასოდეს ჩასულიყო. დენის სულ ეშინოდა, არ წაერთმიათ, საბუების, ვიზების ან რაიმე სხვა მიზეზით, ასე რჩებოდა ნოვეკენტო გემზე, მერე კი ვალიოდნენ კიდევ. ზუსტად რომ ვთქვათ, ნოვეკენტო არც არსებობდა სამყაროსათვის: არ იყო ქალაქი, ეკლესია, საავადმყოფო. ციხე, ბეისბოლის გუნდი, რომელშიც მისი სახელი იქნებოდა გატარებული. არ ჰქონდა სამშობლო, დაბადების თარიღი, ოჯახი. რვა წლის იყო: მაგრამ ოფიციალურად არ იყო დაბადებული.

"ეს ამბავი დიდხანს ვერ გაგრძელდება", ეუბნებოდნენ ხოლმე დენის. "ყველაფერს რომ თავი დაანებო, კანონის საწინააღმდეგოა." დენის ამაზე შეუვალი პასუხი ჰქონდა: "გაკვარი კანონს" ამბობდა. ამისთანა სტარტის მერე დიდად კი ვერ შეეკამათებოდი.

საულომეტონში რომ ჩავიდნენ, იმ მეზღვაურობის შემდეგ, რომელიც დენი მოკვდა, კაპიტანმა გადაწყვიტა, რომ ღრო იყო, ბოლო მოღებოდა ამ თამაშს. პორტის ხელმძღვანელობა გამოიძახა და თანამემწე ნოვეკენტოს მოსაყვანად გაგზავნა. ვერსად იპოვეს. მთელი გემი დანახრიკეს, ორი დღე ეძებდნენ. არაფერი. გამქრალიყო. ვერავენ ინელებდა ამ ამბავს, იქ, Virginian-ზე, მიჩვეულები იყვნენ იმ ბიჭს, ვერავენ ბედავდა თქმას, მაგრამ... ბევრი კი არ უნდა გემბანი-

*novecento - ცხრაასი(იტი); იტალიურად ნიშნავს მეოცე საუკუნეს



დან გადავარდნას და... მერე ზღვა იმას შერება, რაც ეპრი-
ანება, და... გულში ყველა სიკვდილზე ფიქრობდა, როცა
ოცდაერთი დღის შემდეგ რიო დე უანეიროსაკენ გაემარ-
თნენ, ისე რომ ნოვეჩენტო არ გამოჩენილა, არც რამე გა-
უვიათ მისი... გასვლისას გირლანდები, სირენები, ფიერ-
ვერკი, როგორც ყოველთვის, მაგრამ ამჯერად სხვაგვარი
იყო, ნოვეჩენტოს ჰკარგავდნენ, საშუალოდ, რაღაც უმან-
ჭავლა ღმილს სუფევლას, შიგნიდან ჭამდა.

მგზავრობის მეორე ღამით, როცა ირლანდიური ნაპი-
რის სინათლებიც აღარ ჩანდა, ბოცმანი ბარი გიჟივით შე-
ვარდა კაპიტანის კაიუტაში, გააღვიძა, წამოდიო, ეხვეწებო-
და. კაპიტანმა ერთი შეიკურთხა, მაგრამ გაყვა.

პირველი კლასის საცეკვაო დარბაზი.
ჩამქრალი სინათლები.
ხალხი საღამურებში, ფეხზე, შესასვლელში. კაიუტები-
დან გამოცვენილი მგზავრები.
და გამურული მეზღვაურები, ტელეგრაფისტი ტრუმე-
ნიც.

ჩანუბებულები მისჩერებოდნენ.
ნოვეჩენტო.
როიალის სკამზე იჯდა, ფეხებჩამოკონწიალებული.
და,
ღმერთო მაღალო,
უკრავდა.

(უკრავს აუდიოზე მუსიკა ფორტეპიანოთვის, უბრალო,
ნელი, მაცდუნებელი)

რა ვიცი რა ეშმაკს უკრავდა, მაგრამ რაღაც პატარას
და... ლამაზს. არავითარი ფოკუსი, სწორედ ის იყო, უკ-
რავდა, მისი ხლები იყო კლავიშებზე, ღმერთმა უწყის,
როგორ. უნდა მოგესმინათ, რა გამოსდიოდა. ერთი ვარდის-
ფერხალათიანი ქალბატონი იყო, თმაში სამაგრებგარკობი-
ლი, ფულით გატენილი, რომელიმე დამზღვევის ამერიკელი
ცოლი, ისე, ცნობისათვის... ჰოდა, ამხელა ცრემლები ჩა-
მოსდიოდა ღამის კრემზე, უყურებდა და ტიროდა. გაცე-
ბისაგან ადუღებულ-ათუთუხებული კაპიტანი რომ დაიან-
ხა, ამოიქმუტუნა და როიალზე მიუთითა:

“რა ჰქვია?”
“ნოვეჩენტო”
“სიმღერას კი არა, ბავშვს”
“ნოვეჩენტო”
“როგორც სიმღერას?”

იმ დილოგათავანი იყო, რომლის გაძლებაც ზღვაოსნო-
ბის კაპიტანს ოთხი-ხუთი სიტყვის მერე აღარ შეუძლია.
განსაკუთრებით თუ იმწუთას აღმოაჩინა, რომ ბავშვი, რო-
მელიც მკვდარი ეგონა, არა მარტო ცოცხალია, არამედ ამა-
სობაში პიანინოზე დაკვრაც უსწავლია. მთავრო მდიდარი
დამზღვევის ცოლი თავისი ცრემლებიან-ყველაფრიანად და
მტკიცე ნაბიჯით გადაჭრა დარბაზი: პიჟამოს შარვალი და
ღილებშესხნილი ფორმის ზედა ეკვა. ბევრი რამ უნდოდა
ეთქვა, მაგალითად: “სად ეშმაკებში ისწავლე?”, ან “სად
ჯანდაბაში იმალებოდი?”, მაგრამ როგორც ფორმაში
მცხოვრებ ადამიანებს მოსდით ხოლმე, ფორმაშივე აზროვ-
ნებდა. ასე რომ, ესლა უთხრა:

“ნოვეჩენტო, ეს ყველაფერი სრულიად ეწინააღმდეგება
წესებს”
ნოვეჩენტომ დაკვრა შეწყვიტა. სიტყვაძუნწი ბიჭუნა
იყო, მაგრამ გაგების საოცარი უნარი ჰქონდა. თბილად შე-
ხედა კაპიტანს და უთხრა:
“გაკვარი წესებს”.

(აუდიოზე ლელვის ხმაური)

ზღვამ გაიღვიძა / ზღვა გადმოვიდა / წყალი ფეთქე-

ბა ცის წინააღმდეგ / ფეთქდება / რეცხავს / გამოგლეჯს
ქარბუქს / ღრუბლებს ვარსკვლავებს / გიჟი შემლილი /
აიწვევტს სანამ / ვინ იცის / სულ რაღაც ერთ დღეს /
დამთავრდება / დედა ყველაფერი / არ გითქვამს დედა /
იანვანა / გარწვეს ზღვა / გარწვეს კი არა / შემლილი /
ირგვლივ / ქაფი ნაფლეთები / ზღვა გიჟი / იქამდე სა-
ნამ / რაიმეს ხედავ / სიშავეს მხოლოდ / და შავ კედლებს
/ მორევებს / მუნჯია ყველა / ლოღინი / გათავდეს / და
ფსკერისკენ წასვლა / არ მინდა დედა / მსურს მშვიდი
წყალი / შენ რომ გირეკლავს / შეჩერე / ეს / უგონო /
წყლის / კედლები / რომ იქცევიან / და ეს ხმაური /

ისევ მსურს წყალი შენ რომ იცოდი
იგივე ზღვა
სირუმე
ნათელი
მფრინავი თევზები
მაღლა
რომ ფრენენ.

პირველი მგზავრობა, პირველი ღელვა. ბედი არ გინდა.
ჯერ კარგად არც გავრკვეულიყავი, რომ *Virginian*-ის ის-
ტორიაში ერთ-ერთ ყველაზე საშინელ დღევაში მოგვეყვი.
შუაგულ ღამეში, რაღაცა გადაუტრიალდა და მიდი, დაბ-
ზრიალა. ოკეანე გვერდებოდა აღარასოდეს დამთავრებო-
და. კაცი გემზე საყვირზე რომ უკრავ, ღელვისას ბევრს კი
ვერაფერს იზამ. ერთი ის შეგიძლია, საყვირზე დაკვირსა-
გან თავი შეიკავო, ისე, უბრალოდ, საქმე რომ არ გაართუ-
ლო. და იყო შენთვის ჭკვიანად, შენს სოროში. მაგრამ შიგ-
ნით ვერ ვჩერდებოდი. ამაზე საფიქრალად კი არ გცალია
კაცს ამ დროს, მაგრამ დაეგნოდავებით, მაინც გაგებურ-
დავთ ტმინს ეს ფრაზა: ვირთხასავით გამოიხრჩო. არ მინ-
დოდა ვირთხასავით გამოიხრჩობა, ამიტომ გამოვედი კა-
იუტიდან და ბოდილი დავიწყე. განა ვიცოდი სად წავსუ-
ლიყავი, სულ ოთხი დღის ასული ვიყავი გემზე, დიდი საქ-
მე იყო ტუალეტს რომ მივანებდი ხოლმე. პატარა მოტივ-
ტივე ქალაქებია, ეს გემები. მართლა. მოკლედ, აქეთ-იქით
ხეთქებაში და კორიდორებში უაზროდ გასვლა-გამოსვლაში
დავიკარგე. მორჩა. საბოლოოდ მქონდა დანძრეული. მაშინ
იყო, რომ გამოჩნდა ის, ელევანტურად გამოწყობილი, მუქ
ტანსაცმელში, მშვილად მოაბიჯებდა, გზააბნეულს კი არ
ჰგავდა, თითქოს ვერც კი გრძნობდა ტალღებს, გვერდებო-
და ნიციის პლაჟზე მისეინობსო: ნოვეჩენტო იყო.

ოცდაშვიდი წლის იყო მაშინ, მაგრამ მეტიც ჩანდა.
თითქმის არც ვიცნობდი. ერთხელ დაუკვარით იმ ოთხი
დღის მანძილზე ერთად ბენდში, მეტი არაფერი. არც კი ვი-
ცოდი რომელი იყო მისი კაიუტა. ცხადია სხვებისგან გა-
მეგონა მასზე. უცნაურ რამეებს ამბობდნენ: ამბობდნენ: არა-
სოდეს ჩასულაო აქედან. ამ გემზე დაიბადა და აქვე დარ-
ჩაო. სულ. ოცდაშვიდი წელი მიწაზე ფეხდაუდგებულად. ასე
ნათქვამი რაღაც კოლოსალურ იდიოტობად ჟღერდა... იმა-
საც ამბობდნენ, რომ არარსებულ მუსიკას უკრავდა. მე
მარტო ის ვიცოდი, რომ ყოველთვის, სანამ დაკვრას და-
იწყებდა, იქ, საცეკვაო დარბაზში, ფრიც ჰერმანი, თეთრკა-
ნიანი, რომელსაც მუსიკის არაფერი გაგებოდა, მაგრამ სა-
ამო სიფათი ჰქონდა, რის გამოც ბენდს დირაიონობდა, მი-
უახლოვდებოდა და ჩაურწრწვლებდა ხოლმე:

“გთხოვ, ნოვეჩენტო, მხოლოდ ჩვეულებრივი ნოტები,
okay?”

ნოვეჩენტო თავს დაუქნევდა და მერე ჩვეულებრივ ნო-
ტებს იღებდა, წინ იყურებოდა, ხელებს არც კი დახედვ-
და ხოლმე, თითქოს სადღაც სულ სხვაგან იყო. ახლა ვი-
ცი, რომ მართლა სხვაგან იყო. მაგრამ მაშინ არ ვიცოდი:
ცოტა უცნაური მეგონა და მეტი არაფერი.

იმ ღამეზე შუაგულ ღელვაში, შვეულებებაში მყოფი სი-
ნიორის გამომეტყველებით მიმავალმა, იქ რომ დამინახა
გზააბნეული, მიცვალებულის სიფათით, გამიღვიძა და მით-

ხრა: "მოდი".

ახლა, სიმართლე რომ ვთქვათ, კაცი გემზე საყვირს რომ უკრავს და შუა ღელვაში ვინმე რომ ეტყვის "წამო-ლოდი", საყვირზე დამკრულს ერთადერთი რამ შეუძლია: გაყვას. მეც გაყვივი. მიაბიჯებდა, ის. მე... ჩემი საქმე ცო-ტა სხვაგვარად იყო, მასაით შეკრული ვერ ვიყავი, მაგ-რამ მაინც... საცეკვაო დარბაზთან მივედი და, ყანალოთ, მე, ცხადია, აბა იმას თითქოს ლიანდაგი ჰქონდა ფეხქვეშ, როიალს მიუჯახლოვდით. გარემოში არაყინ იყო. ნოვეჩენტომ როიალის ფეხებზე მანიშნა.

"მოადრე სამაგრები", თქვა. გემი ისე ცეკვადა, გაგიზა-რიათ, ფეხზე ვერ დადებოდით, სივიფე იყო იმ ბორბლების გათავისუფლება.

"თუ შენდობი, მოხსენი."

ეს ვერ არის, ვიფიქრე. და მოვხსენი.

"ახლა მოდი და აქ დაჯექი" მითხრა ნოვეჩენტომ.

არ მესმოდა რა უნდოდა, მართლა არ მესმოდა. ვიდექი და ვიჭერდი როიალს, რომელიც ვებერთელა შავი საპო-ნოვით ნელნელა სრიალდებოდა ადგილიდან... გუფიცვით, ჩასავამელი სიტუაცია იყო, კისრამდე ტალღები და პლუს ის გიფი, იმ თავის სკამზე - მეორე საპონზე - წამომჯდა-რი, ზელებით - კლავიატურაზე.

"ახლა თუ არ ახვედი, ვეღარ ახვალ", თქვა ვიფი და ღი-მილით. (ადის საქანელაზე, რაღაც შუალედურია საქანელა-სა და საცირკო ტრაპეციას შორის) "Okay. დაიკიდე ყვე-ლაფერი, Okay.? მაინც რა მაქვს დასაკარგი, ავალ, კარ-გი, აპა, მაგ შენ იდიოტურ საქანელაზე, ავედი, ახლა?"

"ახლა, ნუ გეშინია".

და დაიწყო დაკვრა.

(იწყება მუსიკა ფორტპიანოსთვის, ცეკვას ჰგავს, ვალ-სივით მშვიდი და თბილი. საქანელა იწყებს რწევას და მსა-ხიობს სცენაზე დაატარებს. ნელნელა, სანამ მსახიობი თხრობას განაგრძობს, მოძრაობა ფართოვდება, თითქმის კულისებს სწვდება)

ახლა, არაყინ ხართ ვალდებული დაიჯეროთ, უფრო სწორად, ჩემთვის რომ მოეყოლათ, მეც არასოდეს დავიჯე-რებდი, მაგრამ ფაქტი ისაა რომ როიალი გასრიალდა სა-ცეკვაო დარბაზის ხის იატაკზე, და ჩვენც მივეყვით, ნოვე-ჩენტო უკრავდა, კლავიშებს არ აშორებდა მზერას, სხვა-გან იყო თითქოს, როიალი ტალღებს დაყვებოდა, მიდიოდა და მიდიოდა, ადგილზე ტრიალებდა, შუშაბანდისკენ გაე-შურებოდა, მიუახლოვდებოდა, გაჩერდებოდა და უკან გა-მოსრიალდებოდა ნელა, გუბუნებით, ზღვა თითქოს არწვე-და, და ჩვენც გვარწვედა, მე არაფერი მესმოდა, ნოვეჩენ-ტო კი უკრავდა, წამით არ ჩერდებოდა, და ცხადი იყო, უბრალოდ კი არ უკრავდა, მართლაც იმ როიალს, გესმით?, კლავიშებით, ნოტებით, რა ვიცი რით, იქით მიყავდა, საი-თაც სურდა, აბსურდია, მაგრამ ასე იყო. და სანამ მაგი-დებს შორის დაბზრიალებდა, სასანთლებსა და სავარ-ძლებს ეხებოდა, მივხვდი, რომ იმწუთას რასაც ჩვენ ვაკე-თებდით, ის, რასაც მართლა ვაკეთებდით, იყო ოკეანესთან ცეკვა, მე და ის, გიფი მოცეკვავეები, არაჩვეულებრივები, გადარეულ ვალსში ჩართულები, დამის სინათლით მოიქ-როვილ პარკეტზე. Oh yes.

(იწყებს სცენაზე გადარეულივით ტრიალს. თავისი სა-ქანელათი, ბედნიერი იერით, მაშინ როცა ოკეანე ვიფდება, გემი ცეკვავს, მუსიკა, ვალსისმაგვარი, რომელიც სხვადას-ხვა ეფექტებით ჩქარდება, აბუხრუჭებს, ტრიალდება, მოკ-ლედ "პართავს" დიდ ცეკვას. მერე, მერომელიდაც ილე-თის შემდეგ, არასწორ მანევრს აკეთებს და კულისების-კენ მიექანება. მუსიკა "დამუხრუჭებას" ცდილობს, მაგრამ გვიანაა. მსახიობი დაფიქრებასდა ასწრებს მხოლოდ:

"ღმერთო..."

და გვერდითი კულისიდან გავარდება, რაღაცას ენარ-ცხება. ისმის საშინელი ჭახანი, თითქოს შუშაბანდი, ბა-რი, სასადლო, ან რამე სხვა ჩაემსხვრიოს. საშინელება. წამით პაუზა და სიჩუმე. მერე იგივე კულისიდან, საიდა-ნაც გავიდა, მსახიობი შემოდის, ნელა)

ნოვეჩენტომ მითხრა, კიდევ დასახვეწი მაქვსო ეს ილე-თი. უთხარი, პრინციპში მარტო მუხრუჭების შემაგრება გჭირდება-მეთქი. ღელვა რომ დამთავრდა, კაპიტანმა (ვა-ციოფებულო, ყვირილით) თქვა: "ემშაკმა წაილოს თქვენ ორნი ახლა ჩავედებით სამანქანოში თუ არა და ამ ზელებით დაგახრჩობთ, და კარგად იცოდეთ, ყველა-ფერს გადაიხვით, ბოლო ცენტამდე, მიული ცხოვრე-ბა მუშაობა რომ დაგჭირდეთ, ამას ისე გაბირდებით, როგორც ახლა ამ გემს Virginian ჰქვია და თქვენ ორნი კიდევ ორი ყველაზე დიდი იდიოტი ხართ, ვინც კი ოდესმე გაკარებია ოკეანეს!"

იმ ღამეს, სამანქანო დარბაზში დავეკობრდით მე და ნოვეჩენტო. საშუადამოდ. მიული ღამე ანგარიშში გავატა-რეთ, რამდენი გამოვიდოდა დოლარებში ჩვენს მიერ მიყე-ნებულ ზარალი. რაც უფრო იზრდებოდა ციფრი, მეტს ვი-ცინოდით. ახლა რომ ვფიქრობ, ალბათ ის იყო ბედნიერე-ბა. ან რაღაც ამდაგვარი.

იმ ღამეს იყო, რომ ვკითხე მისი და გემის ამბავი, მოკ-ლედ, მართალი იყო თუ არა, რომ გემზე იყო დაბადებუ-ლი და სხვა დანარჩენი... რომ არასოდეს ჩასულიყო ხმე-ლეთზე. მიპასუხა: "კი".

"მართლა მართალია?"

სრულიად სერიოზული იყო.

"მართლა მართალია".

ის, რაც იმწამს ვიგრძენი, უნებურად, არ ვიცი რატომ, ჟრუანტელი იყო: შიშის ჟრუანტელი.

შიშის.

ერთხელ ვკითხე ნოვეჩენტოს, რომ უკრავ, რა ჯანდა-ბაზე ფიქრობ, ან რას უყურებ-მეთქი გამტერებულში, მოკ-ლედ, სად მიდიოდა აზრით, მაშინ როცა ზელები კლავი-შებზე დაუღიოდნენ. მითხრა: "დღეს ულამაზეს მხარეში ვი-ყავი, ქალებს სურნელოვანი თმები ჰქონდათ, ყველაფერი სინათლით და ვეფხვებით იყო სავსე."

მოგზაურობდა.

და სულ სხვადასხვა ადგილას აღმოჩნდებოდა ზოლმე: ლონდონის ცენტრში, სოფლად მიმავალ მატარებელში, უმაღლესი მთის მწვერვალზე, თოვლი მუცლამდე რომ გწვდება, ქვეყნად ყველაზე დიდ ტამარში, კოლონებს ით-ვლიდა და ჯვარცმულებს ჩაჰყურებდა თვალეში. მოგზაუ-რობდა. ძნელი ვასაგებია, საიდან უნდა სცოდნოდა ეკლე-სია, თოვლი, ვეფხვები და... ანუ, არასოდეს ჩასულიყო იმ გემიდან, მართლა არასდროს, ზღაპარი კი არა, ყველაფერი მართალი იყო. არასდროს ჩასულიყო და თითქოს ენახა ყველაფერი. რომ ეტყვი "პარიზში ვიყავი", გკითხავდა, ამაღამ ბაღში თუ იყავი, ამაღამ ადგილას თუ შეხვედიო საჭმელად, ყველაფერი იცოდა, გეტყოდა "იცი რა მიყვარს მანდ, Pont Neuf-ზე სეიანობა მშის ჩასვლისას, გოგოები რომ ჩაივლიან, გაჩერება და ზევიდან ყურება, და ზელის დაქნევა."

"ნოვეჩენტო, კი მაგრამ, ყოფილხარ პარიზში, შენ?"

"არა".

"აბა მაშინ..."

"ჰო... კი".

"რა კი?"

"პარიზში"

გიფიო იფიქრებდი. მაგრამ ასე უბრალოდ არ იყო საქ-მე. როცა კაცი ზუსტად გუბუნება, რა სურნელი დგას ახალნაწივარ Bertham Street-ზე ზაფხულში, იმის გა-მო, რომ Bertham Street-ზე არასოდეს ყოფილა, გიფიო, ვერ დააბრალებ. ვიდაცის თვალეში, ვიდაცის სიტყვებში,

მას ის ჰკერი მართლა ესუნთქა. თავისებურად: მაგრამ მართლა ესუნთქა. შეიძლება თავად არასოდეს ენახა, მაგრამ ოცდაშვიდი წლის მანძილზე გადადიოდა სამყარო იმ გემზე, და ოცდაშვიდი წელიწადი, ის გემიდან უთვალთვალებდა. და სულს ჰპარავდა.

ამაში გენიოსი იყო, ვერაფერს იტყვი. მოსმენა იცოდა. და კითხვა. წიგნების კი არა, წიგნი ყველა მშვენიერია, ადამიანების კითხვა იცოდა. იმ ნიშნების, რასაც ადამიანები ატარებენ: ადგილები, ზმაური, სუნი, მათი მიწა, მათი ამბავი... ზედ აღბეჭდილს, ჩაწერილს. კითხულობდა და, საოცარი ზრუნვით ახარისხებდა, აწესრიგებდა... ყოველდღე პატარა ნაწილს ამატებდა ვეებერთელა რუკას, რომელსაც გონებაში იხატავდა, ვეებერთელა მსოფლიო რუკას, მთელი ქვეყნიერებისას, თავიდან ბოლომდე, უზარმაზარ ქალაქებს, ბარების კუთხე-კუნჭულებს, გრძელ მდინარეებს, წუმბეებს, თვითმფრინავებს, ლომებს, საოცარ რუკას. და მერე ღმერთივით დამოგზაურობდა ზედ, მერე, როცა თითები კლავიშებზე დასრიალებდნენ, რეგთაიმის ზვეულებს ელაციციბოდნენ.

(აუდიოზე მელანქოლიური რეგთაიმი იწყება)

წლები დამჭირდა, მაგრამ ბოლოს ძალა მოვიკრიბე და ვკითხე. კი მაგრამ ღმერთო, ნოვეჩენტო, რატომ არ ჩახვალ ერთხელ, თუნდაც ერთხელ, რატომ არ ნახავ სამყაროს, შენი თვალთ, მართლა შენი თვალთ. რატომ ზიხარ ამ მოტივტივე საპრობილეში, შეგიძლია Pont Neuf-ზე უცქირო გოგოებსაც და ყველაფერ დანარჩენსაც, რაც გინდა აკეთე. პიანინოზე ღმერთივით უკრავ. გაგიჟდებოდნენ შენტვის, უამრავ ფულს იშოვიდი, ქვეყნად ყველაზე ლამაზ სახლს აირჩევდი, გინდა გემის ფორმისას აიშენებდი, ფეხებზე არ გკიდა?, სადაც გინდა იქ ჩადგამდი, გინდა ვეფხვებში, ან სულაც Bertham Street-ზე... ღმერთო დიდებულო არ შეიძლება ასე წინდაუკან იარო მთელი ცხოვრება იდიოტივით... შენ იდიოტი არა ხარ, შენ ყველაზე მაგარი ხარ და სამყარო კი იქაა, მხოლოდ ის ერთი ნაბიჯვარი კიბე უნდა ჩაიარო, რა გახდა ღმერთო, ეს რამდენიმე იდიოტური საფეხური, იმ საფეხურების ბოლოს ყველაფერია, ყველაფერი. რატომ არ მორჩები და ჩახვალ აქედან, ერთხელ მაინც, ერთადერთხელ.

ნოვეჩენტო... რატომ არ ჩადიხარ?

რატომ?

რატომ?

ზაფხული იყო, 1931-ის ზაფხული, როცა *Virginian*-ზე ჯელი როლ მორტონი ამოვიდა. ერთიანად თეთრებში გამოწყობილი, ქუდიც თეთრი ჰქონდა. და ამხელა ბრილიანტი თითზე.

ეს ის კაცი იყო, რომელიც კონცერტებს რომ მართავდა, პლაკატებზე აწერინებდა ხოლმე: ამ საღამოს ჯელი როლ მორტონი, ჯაზის გამოგონებელი. ისე, უბრალოდ კი არ წერდა: მართლა დარწმუნებული იყო ამაში. ფორტპიანოზე უკრავდა. ყოველთვის სამ მუთხელზე იყო ჩამოძვარი, და ხელები ჰეპლესს მიუვავდა. უმსუბუქეს ჰეპლესს. ნიუ ორლეანის ბორდელეში დაეწყო დაკვრა, იქ ესწავლა კლავიშების თათუნა, ნოტების ფერება: ზედა სართულზე სიყვარულით იყვინ დაკავებული, და ყაყანი არ სურდათ. უნდოდათ მუსიკა, ფარდებში, საწოლქვეშ რომ შესრიალდებოდა და არ შეაწუხებდათ. ის ამ მუსიკას ქმნიდა. და ამაში მართლა იყო საუკეთესო.

ერთხელ ვიდაცას სადაც ნოვეჩენტო უხსენებია მისთვის. ალბათ რაღაც ანდაგვარი უთხერეს: ყველაზე მაგარი ისააო. მსოფლიოში უდიდესი პიანისტი. აბსურდად მოგეგნებნათ, მაგრამ შესაძლებელი იყო. *Virginian*-ის ვარეთ ერთი ნოტი არ დაეკრა, მაგრამ თავისებურად ცნობილი

იყო, იმ დროის პატარა ლეგენდა. გემიდან ჩასულები უცნაურ მუსიკაზე ყვებოდნენ, პიანისტზე, რომელიც იმდენ ნოტს იღებდა, თითქოს ოთხი ხელი ჰქონოდა. საინტერესო ხმები დადიოდა, ხანდახან მართალიც, როგორც მაგალითად ამერიკელ სენატორ უილსონზე, რომელმაც მთელი მგზავრობა მესამე კლასში გაატარა, რადგან ნოვეჩენტო იქ უკრავდა ხოლმე, როცა ჩვეულებრივ ნოტებს კი არა, თავის ნოტებს იღებდა, ანუ არაჩვეულებრივებს. ერთი პიანინო ჰქონდა იქ, საღამოობით, ან გვიან ღამით ჩადიოდა ხოლმე. ჯერ უსმენდა: ხალხს ამღერებდა თავთავიანთ სიმღერებს, ხანდახან ვიდაც ვიტარას, ან აკორდეონს, ან რამე სხვა საკრავს გამოაძვრენდა, უკრავდნენ, ვინ იცის სადაურ მუსიკას... ნოვეჩენტო უსმენდა. მერე ნელნელა ეხებოდა კლავიშებს, და ნელნელა ეს ნამდვილ მუსიკად იქცეოდა, გამოდიოდა ხმები პიანინოდან - ვერტიკალური, შავი - არაამქვეყნიური ხმები. ყველაფერი იყო შიგ: ყველაფერი ერთად, ქვეყნიერების ყველა მუსიკა. გაშტერდებოდი. ჰოდა, გაშტერდა სენატორი უილსონი ამის გაგონებაზე, და იმას რომ თავი დავანებოთ, რომ ის, გამოპრანჭული სენატორი, მესამე კლასის სიმფრალეში იხრჩობოდა, - მართლა საშინლად ყარდა იქაურობა, ამას რომ თავი დავანებოთ, ბოლოს სულ ძალით ჩათრიეს გემიდან, რადგან მისი ნება რომ ყოფილიყო, იქ დარჩებოდა და ნოვეჩენტოს მოუსმენდა მთელი თავისი დარჩენილი ცხოვრების იმ ნაბიჯვარ წლებსაც. მართლა. გაზეთებშიც დაწერეს, მართლა ასე იყო. სწორედ ასე მოხდა.

მოკლედ, ვიდაცა მივიდა ჯელი როლ მორტონთან და უთხრა: არის ერთი იმ გემზე, იმას აკეთებს რიაცილით, რაც უნდა. როცა ეპრიანება ჯაზს უკრავს, მაგრამ როცა არ უნდა, უკრავს რადაცას, როგორც ათი ჯაზი ერთად. ჯელი როლ მორტონი კერკეტი ტიპი იყო, ყველამ იცოდა. თქვა: "როგორ უნდა უკრავდე კარგად ის, ვისაც იმის ტრაკი არა აქვს გემიდან ძირს ჩამოვადეს?" და ახარხარდა გიჟივით, ის, ჯაზის მომონი. იქვე დამთავრებოდა ეს ამბავი მაგრამ მაშინ ვიდაცამ უთხრა: "კარგია რომ იცინი, რადგან იმან რომ ჩამოსვლა გადაწყვიტოს, შენ ისე მიბრუნდები ბორდელში, როგორც მადლა ცაში ღმერთი არსებობს, ბორდელში". ჯელი როლმა სიცილი შეწყვიტა, ჯიბიდან პატარა სადაფისტარნიანი პისტოლეტი დააძრო და შუღლზე დადო ამის მოქმელს, მაგრამ არ გაუხრია: თქვა: "სადაა ევ ნაბიჯვარი გემი?"

ღუელი ჰქონდა გუნებაში. მაშინ მიღებული იყო. ეჯობებოდნენ დაკვრამი და ბოლოს ერთი იმარჯვებდა. მუსიკოსების ამბები. არავითარი სისხლი, მაგრამ სიძულვილი კი გვარიანად იყო, ნამდვილი სიძულვილი, კანქვეშ. ნოტები და ალკოპოლი. შეიძლება მთელი ღამეც გაგრძელებულიყო. ეს ჰქონდა აზრად ჯელი როლს, ბოლო მოელი ოკეანეზე მოსრული პიანისტის ამბისთვის, და მთელი იმ ზღაპრებისთვის. პრობლემა ის იყო, რომ ნოვეჩენტო პორტებში არასოდეს უკრავდა, არ სურდა. პორტი უკვე მიწა იყო, და არ უნდოდა. ის იქ უკრავდა, სადაც თავად სურდა. მას კი შუაგულ ზღვაში სურდა, როცა ხმელეთი მხოლოდ შორეული სინათლეებია, ან მოგონება, ან იმედი. ასეთი იყო. ჯელი როლ მორტონმა ბევრჯერ შეიკურთხა, მაგრამ ბოლოს ვეროპისკენ და უკან ბილეთი იყიდა და *Virginian*-ზე ავიდა, ის, რომელსაც გემზე ფეხი არ დაედგა, თუ მისისიპი-ზე აღმადამა მავალ გემებს არ ჩავთვლით. "ამაზე დიდი იდიოტობა ცხოვრებაში არ გამიკეთებია", უთხრა ბოსტონის პორტის მეთითხმეტე მისადგომთან მის მისაგებებლად მისულ ჟურნალისტებს, თან რამდენიმე შეკურთხებაც ჩაახვია ნათქვამში. მერე კაიუტაში ჩაიკეტა, და დაელოდა, რომ ხმელეთი შორეულ სინათლეებად ქცეულიყო, და მოგონებდა, და იმედად.

ნოვეჩენტოს დიდად არ ადარდებდა ეს ამბავი. არც კი ესმდა კარგად. ღუელი? და რატომ? ისე, აინტერესებდა კი. უნდოდა მოესმინა, ერთი როგორ უკრავდა ჯაზის გამოგონებელი. ამას ხუმრობით კი არ ამბობდა. მართლა

სჯეროდა: რომ მართლა ჯაზის გამოშვონებული იყო. მგონი რაიმეს სწავლის იმედიც ჰქონდა. რაიმე ახლის. ასეთი იყო, ის. როგორც ძველი დენი. შეჯიბრის შეგრძნება არ ჰქონდა, ფეხებზე ეკიდა ვინ მოივებდა. დანარჩენი აინტერესებდა. ყველაფერი დანარჩენი.

გასვლის მეორე დღეს, ოცდაერთ საათსა და ოცდაჩვიდმეტ წუთზე, ევროპისაკენ ოცი კვანძით მიმავალ *Virginian*-ზე, პირველი კლასის საცეკვაო დარბაზში ჯელი როლ მორტონი გამოცხადდა, ელევანტური, შავ ტანსაცმელში. ყველამ შესანიშნავად იცოდა რა უნდა ექნათ. მოცეკვავეები გაჩერდნენ, ჩვენ, ბენდმა, ინსტრუმენტები გადავდეთ, ბარმენმა ვისკი დაასხა, და ხალხი დამუნჯდა. ჯელი როლმა ვისკი აიღო, როიალს მიუახლოვდა და თვალბრუნებით შეხედა ნოვეჩენტოს. არაფერი უთქვამს, მაგრამ ის, რაც ჰაერში გაისმა, იყო: "ადექი მაქედან".

ნოვეჩენტო ადგა.

"თქვენ ისა ხართ, ჯაზი რომ გამოიგონა, არა?"

"დიახ. და შენ ის ხარ, თუ ოკეანე არ გიღვეს ტრაქექვში, რომ არ უკრავ, არა?"

"დიახ".

წარუდგნენ ერთმანეთს. ჯელი როლმა სიგარეტს მოუკიდა, როიალის კიდებუ ჩამოიღო, დაჯდა და დაკვრა დაიწყო. რევთაიმი. თითქოს იქამდე არასოდეს მომესმინა. კი არ უკრავდა, დასრიალებდა. როგორც ქალის სხეულიდან ცეკვათი ჩამოცურებული აბრეშუბის პერანგი. ამერიკის ყველა ბორდელი იყო იმ მუსიკაში, მდიდრული ბორდელიები, სადაც გარდერობისტი ქალიც ღამაზია. ჯელი როლმა ბოლოს უმსუბუქესი უხილავი ნოტები ამოქარგა, მაღლა მაღლა, კლავიატურის ბოლოში, მარმარილოს იატაკზე გადმოფრქვეული მარგალიტების პაწაწინა ჩანჩქერი. სიგარეტი ისევ იქ იდო, ნახევრად ჩამწვარი, ფერფლი კი არ იძროდა. იტყობოდა, სიჩუმე რომ არ დაერღვია, იმიტომ არ ჩამოვარდაო. ჯელი როლმა აიღო სიგარეტი, პეპლებივით ხელეები ჰქონდა, გითხარით, ფერფლი ზედვე იყო, ჩამოვარდნას არც ფიქრობდა, ალბათ რაიმე ფოკუსიც იყო, არ ვიცო, ფაქტია რომ არ ვარდებოდა. ადგა ჯაზის მომგონი, ნოვეჩენტოს მიუახლოვდა, ცხვირთან მიუტანა სიგარეტი, ღამაზად გასწორებული ფერფლით, და უთხრა:

"შენი ჯერია, მეზღვარო".

ნოვეჩენტომ გაიღიმა. ერთობოდა. მაგრამ. მიუხედავ პიანინოს და ყველაზე სულელური რამ გააკეთა, რაც კი შეეძლო ექნა. "დამბრუნებ პაპარინო" დაუკრა, უდიდებულესი სიმღერა, საბავშვო, ერთი ემიგრანტისგან ჰქონდა მოსმენილი, ადრე, და იმის მერე აღარ ეშვებოდა, მართლა მოსწონდა, არ ვიცო რა ნახა მასში, მაგრამ საშინლად გულისამაწყვებლად მიაჩნდა. ოსტატობის მაჩვენებელი ნამდვილად არ იყო. რომ მომენდომებინა, მეც დაუკრავდი. ცოტა ბანებს წაეთამაშა, რაღაცეები გააორმაგა, ორი-სამი თავისი ჩაურთო, მაგრამ იდიოტობა იყო და იდიოტობად დარჩა. ჯელი როლს იმ ადამიანის სახე ჰქონდა, საშობაო საჩუქრები რომ მოპარეს. ორი მგლური თვალი სტყორცნა ნოვეჩენტოს და ისევ მიუხედავ როიალს. გავარდა ბლუზი, გერმანულ მემანქანესაც რომ აატირებდა, თითქოს მთელი მსოფლიოს ზანგების ბაშა იქ ყოფილიყო და ის კი იმ ნოტებით კრეფდა მას. სულს შიგ ჩატოვებდი. ხალხი ფეხზე წამოდგა: ქსუტუნებდნენ და ტაშს უკრავდნენ. ჯელი როლს წარბი არ შერხვია, ჩანდა რომ ყველში ამოსდიოდა მთელი ეს ამბავი.

ისევ ნოვეჩენტოს ჯერი იყო. უკვე ცუდად იწყებდა, რადგან როიალს თვალცრემლიანი მიუხედავ ბლუზის გამო, გულაწყვეტილი იყო, და გასაგებიცაა. საოცარი ის იყო, რომ მთელი იმ მუსიკით, რაც თავში და ხელებში ჰქონდა, რა დაუკრა? წუთის წინ მოსმენილი ბლუზი. "ისეთი ღამაზი იყო", მითხრა მერე, მეორე დღეს, თავის გასამართლებლად. აზრზე მოდი. წარმოდგენა არ ჰქონდა რა იყო დუელი, აზრზე არ იყო. ის ბლუზი დაუკრა. თან მის გონებაში შეცვლილიყო, რაღაც უნელესი, ერთიმეორეს მიწ-

ყობილი, მომაკვინებლად მოსაწყენი აკორდების რიგად ქცეულიყო, პროცესიას ჰგავდა. უკრავდა კლავიატურას ჩახუტებული, ნეტარება, თითოთითოდ აგემოვნებდა იმ უცნაურ, უფრო მეტიც, დისონანტურ აკორდებს. ტკებოდა. სხვები, ნაკლებად. რომ დაამთავრა, სტვენაც გაისმა აქეთ-იქიდან.

ამაზე ჯელი როლ მორტონმა საბოლოოდ დაკარგა მოთმინება. კი არ მივიდა, მივარდა როიალს. ჩუმად, მაგრამ გამოკვეთილად, ისე რომ ყველამ გაიგო, ჩალაპარაკა: "აბა მაშინ გააჯვი შე სირო".

და დაიწყო დაკვრა. დაკვრა ის სიტყვა არაა. ჟონგლიორობა. აკრობატობა. რაც კი შეიძლება გააკეთო 88 კლავიშმანი კლავიატურით, ყველაფერი გააკეთა. თავბრუდამხვევი სისწრაფით. ერთი ნოტი არ შეშლია, ერთი კუნთი არ შერხვია სახეზე. მუსიკა კი არა, ფოკუსი იყო, ღამაზი და კეთილი მაგია, საოცრება წმინდანების გარეშე. საოცრება. ხალხი შეიშალა. კიოდნენ, ტაშს უკრავდნენ, არავის ენახა ასეთი რამ. იმისთანა ამბავი იყო, ახალი წელი გეგონებოდა. იმ აურზაურში ნოვეჩენტოს წინ აღმოვიწინდი. საშინლად იმედგაცრუებული ჩანდა. და ცოტა გაოცებულიც. მითხრა. "ეს მთლად სულელი ყოფილა..."

არ ვუპასუხე. არაფერი იყო საპასუხო. გადმოიწია ჩემსკენ და მითხრა: "ერთი სიგარეტი მომეცი, პა, მიდი..."

ისეთი გათიშული ვიყავი, რომ ავიღე და გავუწოდე... ნოვეჩენტო არ ეწეოდა. არასოდეს მოეწია იქამდე. აიღო სიგარეტი, გატრიალდა და როიალს მიუხედავ. დარბაზს კარგა ხანი დასჭირდა მისახვედრად, რომ ნოვეჩენტო დაჯდა როიალთან და ალბათ დაუკრავდა. მძიმე-მძიმე ხუმრობები გაისმა, სიცილი, სტვენა, ხალხი ასეა, ბოროტია წაგებულთან. ნოვეჩენტომ მოიკადა, სანამ სიჩუმე დამყარდებოდა. მერე ჯელი როლს გახედა, შამპანურს რომ წრუპავდა ბართან, და ხმადაბლა უთხრა:

"იცოდე, შენ მონიღომე ეს, ქვეშაჯშია პიანისტო."

მერე როიალის კიდებუ ჩამოიღო ჩემი სიგარეტი.

ჩამქრალი.

და დაიწყო.

(*აუდიოზე იწყება რაღაც არჩვეულებრივი ვირტუოზობით შესრულებული მუსიკა, შეიძლება ოთხი ხელისთვისაც. ნახევარ წუთზე მეტს არ გრძელდება. ბოლოში უძლიერეს აკორდებს მთავრის. მსახიობი აცლის დამთავრებას, მერე განავრძობს*)

ასე.

ხალხი გაისუსა, არც კი სუნთქავდა. როიალს მიშტერებდნენ მონუსსულელები, იდიოტებივით პირდაპინილები. აკორდების იმ მომაკვინებელი დოზის შემდეგაც, თითქოს ასი ხელი რომ უკრავდა, და როიალი საცაა აფეთქდებოდა, ისე დარჩნენ, ენაზავარდნილები, გამოთაყვანებულები. ამ გასაგებებულ სიჩუმეში ნოვეჩენტო ადგა, აიღო ჩემი სიგარეტი, კლავიატურაზე გადაიწია და როიალის სიმებთან მიიტანა.

მსუბუქი შრიალი.

გამოსწია, მოკიდებული იყო.

გუფიცებით.

მოკიდებული.

ნოვეჩენტოს პატარა სანთელივით ეჭირა ხელში სიგარეტი. თავად არ ეწეოდა, დაჭერაც არ იცოდა. რამდენიმე ნაბიჯი გადადგა, ჯელი როლ მორტონთან მივიდა და სიგარეტი გაუწოდა.

"შენ მოწიე. მე არ მეხერხება"

მაშინ იყო, რომ ხალხი ჯადოდან გამოფხიზლდა. ატყდა წივილ-კვილის აპოთეოზი, აპლოდისმენტები, ერთი აურზაური, რა ვიცი, იქამდე არავის ენახა მსგავსი რამ, ბლადონენ, ყველას უნდოდა შეხებოდა ნოვეჩენტოს, საყოველთაო გნიასი იდგა, ველარაფერს გაიგებდი. მაგრამ მე დავინახე ის, ჯელი როლ მორტონი, ნერვიულად ეწეოდა

იმ შეჩვენებულ სიგარეტს, ცდილობდა სასწრაფოდ მოეძებნა რაიმე გამომეტყველება და ვერ პოულობდა, არც კი იცოდა, საით გაეხედა, მერე კი ის პეპელასავით ხელი აუკანკალდა, აუცანცანდა, და დაეინახე, არასოდეს დამავიწყდება, ისე აუკანკალდა, რომ სიგარეტის ფერფლი ჯერ კოხტა შავ სამოსზე, მერე კი შავი ლაქის, ლაბლაპა ფეხსაცმელზე ჩამოუსრიალდა. პატარა თეთრ ქულას ჰგავდა. დახედა, კარგად მასსოვს, დახედა თავის ლაბლაპა ფეხსაცმელს, ფერფლს, და მიხვდა, იმას მიხვდა, რაც მისახვედრი იყო, ადვილზევე შეტრიალდა და ნელ-ნელა, ნაბიჯ-ნაბიჯ, ისე რომ ის ფერფლის ქულა არ შეერხია, გადაჭრა დარბაზი და გაქრა, თავისი შავი ლაქის ფეხსაცმლიანად, ერთერთი მათგანი ფერფლის ქულა მიჰქონდა თან, და ხელ ეწერა, რომ ერთმა გაიმარჯვა და რომ ის არ იყო გამარჯვებული.

ჯული როლ მორტონმა მგზავრობის დარჩენილი ნაწილი კაიუტაში ჩაკეტულმა გაატარა. საუთემპტონში რომ ჩავიდნენ, ჩავიდა *Virginian*-იდან. მერე დღეს კი ამერიკაში დაბრუნდა, სხვა გემით. აღარაფრის გაგება აღარ სურდა, არც ნოვეჩენტოზე და აღარც სხვა დანარჩენზე. დაბრუნება უნდოდა და მორჩა. მესამე კლასის მოაჯირიდან, კედელზე მიყუდებულმა ნოვეჩენტომ დაინახა, როგორ ჩადიოდა, თავისი კოხტა თეთრი ტანსაცმლით, ღია ფერის ტყავის ჩემოდნებით. მასსოვს, მარტო ეს თქვა:

“გაკვარი ჯახსაც”.

ლივერპული ნიუ იორკი ლივერპული რიო დე ჟანეირო ბოსტონი კორკი ლისაბონი სანტიაგო დე ჩილე რიო დე ჟანეირო ანტილი ნიუ იორკი ლივერპული ბოსტონი ლივერპული ჰამბურგი ნიუ იორკი გენუა ფლორიდა რიო დე ჟანეირო ფლორიდა ნიუ იორკი გენუა ლისაბონი რიო დე ჟანეირო ლივერპული რიო დე ჟანეირო ლივერპული ნიუ იორკი კორკი კერბურგი ვანკუვერი კერბურგი კორკი ბოსტონი ლივერპული რიო დე ჟანეირო ნიუ იორკი ლივერპული სანტიაგო დე ჩილე ნიუ იორკი ლივერპული, და შუამი, ოკანე. და სწორედ იქ, სურათიც ჩამოვარდა.

ყოველთვის მაგაფებდა სურათების ამბავი. კიდან წლობით, მერე ერთ დღეს, ისე, უმიზეზოდ, გუუნებით უმიზეზოდ, ბრაზ, და ჩამოვარდებიან. არიან თავისთვის ლურსმანზე, არავინ ენებათ, მაგრამ ერთ დღეს მაინც, ბრაზ, და ჩამოვარდებიან, ქვასავით. სრულ სიწუმეში, ირგვლივ არაფერი იძვრის, ბუზიც არ დაფრენს, ისინი კი, ბრაზ. მიზეზი არ არსებობს. რატომ მაინცდამაინც იმ წამს? არავინ იცის. ბრაზ. რა უნდა მოუვიდეს ლურსმანს რომ გადაწყვიტოს რომ აღარ შეუძლია? იმასაც სული აქვს, საბრალოს? გადაწყვეტილებებს იღებს? სურათთან იკამათა იქამდე, ვერ გადაეწყვიტათ რა ექნათ, ყოველ საღამოს მსჯელობდნენ, წლების მანძილზე, და მერე შეთანხმდნენ თარიღზე, საათზე, წუთზე, წამზე, და ისიც, ბრაზ. თუ თავიდანვე იცოდა ორივემ, ყველაფერი გადაწყვეტილი იყო, იცი, მე შეიდა წლის მერე ყველაფერს ვტოვებ, კარგი, okay აბა შევთანხმდით 13 მაისს, okay, ექვსისთვის, არა იყოს ექვსს რომ თხუთმეტი დააკლდება, კარგი, აბა ღამე მშვიდობისა. შვიდი წლის შემდეგ, 13 მაისს, ექვსს რომ თხუთმეტი დააკლდება: ბრაზ. რას გაიგებ. ერთ-ერთ იმ საკითხთაგანია, რომელზეც ჯობია არ იფიქრო, თორემ გაგავიყვებს. სურათი რომ ვარდება. როცა გეღვიძება და ხედები რომ აღარ გიყვარს. როცა გახუთს შლი და იგებ, რომ იმე დაიწყებ. როცა მატარებელს დაინახავ და ფიქრები რომ უნდა წახვიდე. როცა სარკეში ჩაიხედავ და, დაბერებულხარ. როცა, ოკანეში, ნოვეჩენტომ თავი აიღო თევზიდან და მითხრა: “ნიუ იორკში, სამი დღის შემდეგ, ჩავალ ამ გემიდან.”

გაგში.
ბრაზ.

სურათს ვერც ვერაფერს ჰკითხავ, მაგრამ ნოვეჩენტოს კი. ცოტა ხანს ვაცადე, მერე დაუწუწე შემოვლა, მინდო-

და გამეგო რატომ, რამე მიზეზი ხომ უნდა ყოფილიყო. კაცი ტყუილად არ ზის გემზე ოცდათორმეტი წელიწადი, რომ მერე ერთ დღეს ისე ჩავიდეს, ვითომც არაფერი, საუკეთესო მეგობარსაც არ უთხრას რატომ, არაფერი უთხრას.

“ერთი რამე უნდა ენახო იქ ქვევით,” მითხრა.

“რა ერთი რამე?” არ უნდოდა თქმა, და მესმის კიდევ მისი, რადგან რომ თქვა, ეს თქვა:

“ზღვა”.

“ზღვა?”

“ზღვა”.

აზრზე მოდი. ყველაფერს იფიქრებდი, მაგრამ ამას არა. არ მეჯერებოდა, გამსხარავენებს ჰგავდა. არ მინდოდა დამეჯერებინა. საუკუნის იდიოტობა იყო.

“ოცდათორმეტი წელი უყურებ ზღვას, ნოვეჩენტო”.

“აქედან. მე იქიდან მინდა დაეინახო. სხვა რამეა.”

ღმერთო დიდებული. მეგონა ბავშვს ველაპარაკებოდი.

“კარგი, მოიცადე, პორტში რომ შევალთ, მერე შემოტრიალდი და გახედე. იგივე არაა?”

“არაა იგივე”.

“კინ ვითხრა?”

ერთს ეთქვა თურმე, ბასტერი ერქვა, ლინ ბასტერი. გლეხი იყო. იმათაგანი, ორმოცი წელი რომ ვირივით მუშაობენ, მხოლოდ საკუთარ ყანას და ერთი-ორჯერ, დღესასწაულზე, რამდენიმე მილის მოშორებით მყოფ ქალაქს ხედავენ. მერე გვალვას ყველაფერი წაურთმევეა, ცოლი ვიღაც მქადაგებულს გაყოლია, არ ვიცი რისას, შვილები ციებას წაუყვანია, ორივე. იღბლიან ვარსკვლავზე დაბადებული, მოკლედ. ისე რომ ერთ დღეს მოუხიკავს ბარგი და მთელი ინგლისი ფეხით გადაუვლია, რომ ლონდონში ჩასულიყო. მაგრამ რადგანაც გზებში დიდად ვერ ერკვეოდა, ლონდონის ნაცვლად ერთ სოფელში მოხვედრილა, სადაც, თუ გზას გაყვებოდი, ორ მოსახვევს გავივლიდი და გორაკსაც შემოუვლიდი, ბოლოში, უცებ, ზღვას დაინახავდი. არასოდეს ენახა ზღვა. მეხდაცემულივით დარჩენილა. თუ მის ნათქვამს დაუჯერებდი, იმას გადაურჩენია. ამბობდა: “ისეა, როგორც გიგანტური ბღავილი, რომ ყვირის და ყვირის. ყვირის: “რქანთა ჯგროვ, ცხოვრება უსასრულო რამაა, გინდათ გაივით ეს თუ არა? უსასრულო.” მას, ლინ ბასტერს, არასოდეს ეფიქრა ეს. არასოდეს მოსვლოდა აზრად, ამაზე ეფიქრა. რვეოლუციასავით ყოფილა მის თავში.

საქმე აღბათ ისაა, რომ მასაც, ნოვეჩენტოსაც, არასოდეს მოსვლოდა აზრად, რომ ცხოვრება უსასრულოა. შესაძლოა ეჭვობდა კიდევ, მაგრამ ისე არავის ეყვირა მისთვის. ათასჯერ მოაყოლა ლინ ბასტერს ზღვის ამბავი, და სხვა დანარჩენიც, და ბოლოს გადაწყვიტა, რომ თავდაც უნდა განეცადა. მე რომ მიხსნიდა ამას, იმ კაცის სახე ჰქონდა, შიგაწვის ძრავის მუშაობის პრინციპს რომ გიხსნის: მეცნიერი იყო.

“აქ შეიძლება წლები გავატარო, მაგრამ ზღვამ არაფერი მითხრას. ახლა ჩავალ, ვიცხოვრებ მიწაზე და მიწით, წლების მანძილზე, ჩვეულებრივი გავხდები, მერე ერთ დღეს წავალ, ნებისმიერ ნაპირს მივადგები, ზღვას გავხედავ და: მის ყვირილს მოუხსენ.”

მეცნიერი. მე საუკუნის მეცნიერულ სისულელედ მჩვენებოდა. შემძლო მეთქვა, მაგრამ არ ვუთხარი. არ იყო ასე ადვილი. მე მიყვარდა ნოვეჩენტო, მინდოდა, რომ აღრთო თუ გვიან ჩასულიყო იქიდან, ხმელეთზე დაეკრა ხალხისათვის, კარგი ქალი შეერთო. შევიდოდა ჰყოლოდა და მოკლედ, ყველაფერი ჰქონდა ცხოვრებისა, რომელიც, შეიძლება უსასრულო არაა, მაგრამ მაინც ლამაზია, თუ ცოტადენი იღბალი, და სურვილი გაქვს. მოკლედ, ის ზღვის ამბავი მე სრულ იდიოტობად მიმჩნია, მაგრამ თუ ნოვეჩენტოს ხმელეთზე ჩავიყვანდა, კმაყოფილი ვიქნებოდი. ბოლოს ვიფიქრე, რომ ასე უკეთესი იქნებოდა. ვუთხარი, რომ მის მსჯელობას წყალი არ გაუვიდოდა. და რომ კმაყოფილი ვიყავი, მართლა. და რომ ჩემი აქლები ბეწვის პალ-

ტოს ვარუქები, მაგარი იქნებოდა, აქლემის ბეწვის პალტოში, კიბეზე ჩამავალი. ის ცოტა აღელვებული იყო:

“მაგრამ ხომ მოხვალ ჩემს სანახავად, არა? ხმელეთზე”
დმერთო, ქვა მქონდა გაჩხერილი აქ, ყელში, მაგიუებდა ამას რომ ამბობდა, მეზიზღება გამომშვიდობებები, გავიცინე როგორც შემქდლო, სატანჯველი იყო, ვუთხარი რომ რა თქმა უნდოდა, მივიდოდი, მინდორში ვარბენინებდით მის ძაღლს, მისი ცოლი ინდაურს გააკეთებდა, რა ვიცი კიდევ რა სისულელეს ვეუბნებოდი, ის იცინოდა, მეც, მაგრამ ორივემ ვიცოდით, რომ სიმართლე სხვაგვარი იყო, სიმართლე ის იყო, რომ ყველაფერი მთავრდებოდა, და ვერაფერს გახდებოდი, უნდა მომხდარიყო და ახლა ხდებოდა: დენი ბუდემენ ტ.დ. დემონ ნოვერენტო ჩავიღოდა *Virginian*-დან, ნიუ იორკის პორტში, თებერვლის ერთ დღეს, ზღვაზე გატარებული ოცდათორმეტი წლის შემდეგ ხმელეთზე ჩავიღოდა ზღვის სანახავად.

(იწყება მუსიკა, ძველი ბალადის მსგავსი. მსახიობი სიბნელეში უჩინარდება, რათა შემდეგ გამოჩნდეს ნოვერენტოს ტანსაცმელში გემის კიბის თავში. აქლემის ბეწვის პალტო, ქული, დიდი ჩემოდანი. ცოტა ხანი ადგილზე დგას, ქარში, წინ იყურება. ნიუ იორკს გასცქერის. მერე ჩაივლის პირველ საფეხურს, მეორეს, მესამეს. აქ მუსიკა უცრად წყდება და ნოვერენტო ადვილს ევაჯვება. მსახიობი ქუდს იხდის და მკურებლისკენ ბრუნდება.)

მესამე საფეხურზე იყო, რომ გაჩერდა. უცებ.
“რა ხდება? ფეხი ჩადგა რამეში?”, თქვა ნეილ ო'კონორმა, რომელსაც არასოდეს არაფერი ესმოდა, მაგრამ გუნებას ვერასოდეს ვერაფრით გაუფუჭებდა.
“რამე დარჩებოდა,” ვთქვი.
“რა?”
“მე რა ვიცი რა...”
“ალბათ დაავიწყდა რატომ ჩადის.”
“ნუ მაიმუნობ.”

ის კი იდგა იქ, ერთ ადგილზე, ერთი ფეხით მეორე საფეხურზე, მეორით – მესამეზე. უსასრულოდ დიდხანს დარჩა ასე. წინ იყურებოდა, თითქოს ეძებდა რაღაცას. მერე უცნაური რამ გააკეთა, ქული მოიხადა, კიბის მოაჯირიდან გასწია და ხელი გაუშვა. დადლილ ფრინველს ჰგავდა, ან ფრთიან ლურჯ ერობკვერცხს. ერთი-ორი შემოტრიალდა ჰაერში და ზღვაში ჩავარდა. ტივტივებდა. ალბათ უფრო ფრინველი იყო, ვიდრე ერობკვერცხი. კიბეს რომ შევხედეთ, ნოვერენტო დავინახეთ, თავის აქლემის ბეწვის პალტოში, ჩემს აქლემის ბეწვის პალტოში, უკანვე ამოიარა ის ორი საფეხური, სამყაროსკენ ზურგშექცეულმა, სახეზე უცნაური დიმილით. ორი ნაბიჯიც, და გემზე გაუჩინარდა.

“ნახე? ახალი პიანისტი მოვიდა,” თქვა ნეილ ო'კონორმა.

“ამბობენ ყველაზე მაგარიო,” ვთქვი მე. არც ვიცოდი, ნაღვლიანი ვიყავი თუ გიჟივით ბედნიერი.

არაფრით არ მითხრა, რა დანახა იმ დაწყველილი მესამე საფეხურიდან. იმ დღეს და მომდევნო ორი მგზავრობის განმავლობაში ნოვერენტო რაღაც უცნაური იყო, ჩვეულებურზე ნაკლებს ელაპარაკებოდა, და რაღაც თავისი პირადი საქმით ძალიან დაკავებული ჩანდა. ჩვენ არაფერს ვეკითხებოდით. ის ისე იქცეოდა, ვითომც არაფერი. ჩანდა, რომ მთლად ჩვეულებრივად არ იყო საქმე, მაგრამ არ გვინდოდა გვეკითხა რამე. ასე გაგრძელდა რამდენიმე თვე. მერე ერთ დღეს ნოვერენტო ჩემთან კაიუტაში შემოვიდა და ნელა, მაგრამ გაუჩერებლად, პაუზის გარეშე, მითხრა: “გმადლობ პალტოსთვის, დმერთივით მქონდა, მართლა სამწუხაროა, დასანანია, მაგრამ მომიხდებოდა, მაგრამ ახლა ყველაფერი უკეთესადაა, გაიარა, და არ იფიქრო უბედური

ვიყო: აღარასოდეს ვიქნები უბედური.”
მე სულაც არ ვიყავი დარწმუნებული, რომ ოდესმე ყოფილიყოს უბედური. არ იყო იმათთან, თავს რომ ჰკითხავ ხოლმე, ვინ იცის, ბედნიერია? ის ნოვერენტო იყო, და მორჩა. არც მოგდიოდა აზრად რომ რაიმე კავშირი ჰქონდა ბედნიერებასთან, ან ტკივილთან. ყველაფერზე მაღლა იდგა თითქოს, შეუხებელი იყო. ის და მისი მუსიკა: დანარჩენს ფასი არ ჰქონდა.

“არ იფიქრო, უბედური ვიყო. აღარასოდეს ვიქნები უბედური.” გავეშრი ამის გაგონებაზე. ეს რომ თქვა, იმ კაცის სახე ჰქონდა, რომ არ ხუმრობს. ადამიანის, რომელმაც შესანიშნავად იცის, საით მიდის. და რომ მაღალწევს კიდევ იმას, საითაც მიდის. ისევე, როგორც პიანინოსთან. რომ მიუჯდებოდა და დაკვრას დაიწყებდა ხოლმე. მის ხელეშში ეჭვი არ იყო, კლავიშები თითქოს ელოდნენ იმ ნოტებს, თითქოს საგანგებოდ მათთვის, მხოლოდ მათთვის იყვნენ იქ. გვეგონებოდა, იქვე ივინებოდა, მაგრამ მისი გონების რომელიღაც კუნჭულში ის ნოტები მუდამ იყვნენ აღბეჭდილი

ახლა ვიცი, რომ ნოვერენტომ იმ დღეს გადაწყვიტა თავისი ცხოვრების შავითურ კლავიშებს მიჯდომოდა და ახსურდული და გენიალური მუსიკა დაეკრა, რთული, მაგრამ ლამაზი, ყველაზე დიდი და ლამაზი. და რომ იმ მუსიკაზე იცეკვებდა ცხოვრების დარჩენილი წლები და რომ აღარასოდეს იქნებოდა უბედური.

მე *Virginian*-დან 1933 წლის 21 აგვისტოს ჩავედი. ექვსი წელი ვიყავი გემზე. მაგრამ ასე მეგონა, მთელი ცხოვრება იყო გასული. ერთი დღით ან ერთი კვირით კი არ ჩავსულვარ: სამუდამოდ ჩავედი. საბუთებით, ბოლო ხელფასით და ყველაფრით. ყველაფერი წესრიგში. ანგარიში გაავსწორო ოკეანესთან.

განა არ მომწონდა ის ცხოვრება. უცნაური, მაგრამ მშვენიერი საშუალება იყო ანგარიშების შესაჯამებლად. ოღონდ ვერაფრით წარმომედგინა, რომ უსასრულოდ შეიძლებოდა გაგრძელებულიყო. თუ მეზღვაური ხარ, სხვა საქმეა, ზღვა შენი ადგილია, შეგიძლია იქ დარჩე სანამ სული არ გაგძვრება და სწორიცაა. მაგრამ კაცი საყვირზე რომ უკრავ... თუ საყვირზე უკრავ, ზღვაზე უცხო ხარ და მუდამ უცხო დარჩები. ადრე თუ გვიან სახლში უნდა დაბრუნდე. ჯობია ადრე-მუთქი, ჩემს თავს ვუთხარი.

“ჯობია ადრე,” ვუთხარი ნოვერენტოს. მან გაიგო. ჩანდა, რომ არავითარი სურვილი არ ჰქონდა იმ კიბეზე სამუდამოდ ჩამავალი დავენახე, მაგრამ თქმით, არაფერი უთქვამს. ასე ჯობდა. უკანასკნელ საღამოს, პირველი კლასის გამოთაყვანებულებისთვის რომ ეუკრავდით, ჩემი სოლოდ დრო რომ მოვიდა, დავიწყე და რამდენიმე ნოტის შემდეგ ვიგრძენი, როგორ ამყვა ფორტეპიანო, ჩემად, ტკბილად ასე, ერთად გაგვარძელეთ, რაც შემქდლო კარგად ეუკრავდი, დმერთო, ლუი არმსტრონგი ვერ ვიყავი, მაგრამ მართლა კარგად დავუკარი, ნოვერენტო თან მომყვებოდა, თითონ რომ იცოდა ხოლმე, ისე. კარგა ხანს გაგვარძელეთ, ჩემი საყვირი და მისი პიანინო, უკანასკნელად, ყველაფერი ვუთხარი ერთმანეთს, რასაც სიტყვებით კი ვერ გამოთქვამ. გარშემო ხალხი ცეკვავდა, ვერაფერს ამჩნევდა, და ვერც შენიშნავდა, რა იცოდნენ იმათ, განაგრძობდნენ ცეკვას, ვითომც არაფერი. იქნებ რომელიმემ თქვა კიდევ: “ერთი იმას შეხედე, საყვირზე, რა სასაცილოა, მოვრალი იქნება, ან ვიფი. ერთი იმ საყვირიანს შეხედე, უკრავს, და ტირის.”

მერე, იქიდან ჩასვლის შემდეგ როგორ განვითარდა მოვლენები, ეს სხვა საქმეა. იქნებ რაიმე სახეიროც გამეკეთებინა, ის წყვეული ომი რომ არ გამოჩხერილიყო. ეგვიც რა. ამან ყველაფერი გაართულა, კაცი ველარაფერს გათვებდა. მაგარი ტენი უნდა გქონოდა, რომ თავი გამოეჩინა. ისეთი თვისებები, რაც მე არ მქონდა. მე საყვირზე დაკვრა ვიცოდი. გასაცარანია, თუ რა უხრო და უსარგებლოა საყვირზე დაკვრა, როცა გარშემო ომია. როცა ზედ გაქვს ომი.

